

خالد أحمد عبد السميع

نويت أرحل

الطبعة الأولى ٢٠١٧

بطاقة الكتاب

عنوان المؤلف : نويت أرحل
المؤلف : خالد أحمد عبد السميع (ابن الريف)
التصنيف : أشعار بالعامية المصرية
رقم الإيداع : 23002 - 2017
عدد الصفحات : 100 صفحة
رقم الإصدار الداخلي : 46
تاريخ الإصدار الداخلي : 11 / 2017 طبعة أولى
تصميم الغلاف والتنسيق : دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى : 58365
بطاقة ضريبية : 165-5-00031-572-01-35
رقم التسجيل : 2017-7 544-662-202
E-mail: alnile waalforat@yahoo.com
twitter: النيل والفرات
youtube: alnile waalforat@yahoo.com
facebook: alnile wa alforat
هاتف : 01011256943 - 01116202218 - 01202541192



الشرقية - العاشر من رمضان - مجاورة ١٣ - عقار ٣٠٤ - الدور الثاني - أمام سنتر ١٣

إهداء ..

الى من احببت و احب و سوف احبها من جديد .
اليك يا من شغلت قلبي كان في يوم وحيد .
الى ملهمتي وام بناتي ..
اليك زوجتي

.....

أنا لست شاعرا
لكني ابن الريف
لست بارعا
إلا في حب عفيف
لا أستعمل حبرا
قلمي و دم خفيف
إبن الريف..خالد أحمد

مقدمة

بحبها اوى.....

ايوه بحبها....

سنى خمسين سنه..

وعاشق ارضها ...

ونفسى لما اموت

اموت فى حبها..

طبعا فكرتنى

هموت على ارضها...

والله نفسى اموت

فعلا على ارضها...

عاشق..... عاشق انا ليها..

لترايبها ومجدها....

ونفسى اعيش تانى..

علشان اكتب لها

رساله

من مكتب بريد القريه
إلى مكتب بريد الجنه
ويسلم لأعز عيالنا
عشمان يا ولدى
انك فى الجنه
أعمل ايه
انت ما رضيت تستنى
ما انت غاوى تبعد عنا
واللى مزعلنا
إن عليك يا ابنى ما سلمنا
كان كل أملنا تكون أدامنا
وكنت بقول
لو فى السن احنا اتقدمنا
كنت يا ولدى هتبقى سندنا

لكن سفرك جه على عينا
إحنا يا ولدى عليك كدا هنا
والا العشره ما كانت بينا
إحنا عموما
مش هنغير يوم عنوانا
وراح نستنى
إن نشوفك يوم فى الجنه
بس أمانه عليك طمنا
لاجل يجف دمع عيوننا
واو عاك تنسى
تسلم يا ابنى
على شهداءنا
وعلى قرايينا
تعرف يا ابنى
ايه اللى ناقصنا

إن نشوفك قاعد ماشى
واقف بينا
آه لو تعرف
مين جه زارنا
كل الدنيا
كل حبايبك يا ابنى جولنا
وكنت اتمنى
إنك تسمع كل جيرانا
بتمدح فيك أدام قرايينا
والكل يقول
دا شهيد فى الجنه
علشان كدا إحنا اطمنا
وبعتنا الجوابات ع الجنه
طالبين يا ابنى
انك تدعى لنا

أمك والبنتين أخواتك وانا
ربك يا ابني يزيد صبرنا
أما ولادك دول دمنا
ومن صلبنا
واياك يا ابني تشيل همنا
خلينا يا ابني على وعدنا

لو كان

لو كان الحب كلام
كنت اكتب أحلى كلام
لو كان الحب ملام
كنت اكثر واحد لام
لو كان الحب ألآم
أدخل مستشفى أوام
لو كان الحب منام
كنت اكثر واحد نام
لو كان الحب علام
كنت ادى الدرس بكام
لو كان الحب وسام
كنت صارعت الأيام
لو كان الحب حرام
كنت ابعد عنه أوام

نفسى

نفسى أجيب لك م السما
كومة نجوم
واخذك واعيش عند السحاب
وسط الغيوم
نبعد بعيد عن الصحاب
ننسى الهموم
ننسى ليالى كثير عذاب
لو حتى يوم
ونريح القلب اللى داب
وكفايه لوم
واعمل لقلبك حتى باب
من غير كالون
واغزل لك م النجوم حجاب

تلبسيه وقت اللزوم
يا حبيبتى يالله اصحى بقا
وكفايه نوم
دا العزول مهما اتقى ربنا
غلاوى السموم

غویت اہواکی

غویت اہواکی

واقول الشعر فی ہواکی

دا انا قلبی مهما عشق

مالوش فی الدنيا الاکی

ومهما شفت فی الدنيا

فی عینی العشق حلاکی

یا اُغلی عندی م الدنيا

ومن روحی الی حباکی

أنا عاشق

سواد الارض فی عنیکی

أنا عاشق

نسیم الجو حوالیکی

أنا عاشق

واقول للدنيا بهواکی

أنا عاشق كمان الارض
اللى عليها عديتى
أنا عاشق وبدعى ربى
يكون ليه خلاكى
أنا ما شئت
إلا أنى أهواكى

أبوس إيديك

عايزنى أبوس ايديك

عشان ترجع لى تانى

أنا جيت لحد عندك

عشانك مش عشانى

عملت اللى عليا

ومش هقولها تانى

رجعت الماضى كله

وسقيتك من حنانى

فكرتك لما كنا

بنسمع فى الأغانى

شويه لعب حلیم

ويا ما سمعنا هانى

حسستك بالأمان

وبأجمل المعانى

وبالحب اللى كان
بيننا يا حبيب زمانى
قبل فوات الأوان
يا ريت ترجعلى تانى
لو حب قلبى هان
أنا مش هحب تانى

كلام ومشاعر

نفسى أفضى كلام جوايه
أكتبه حتى بجبر دوايه
أو برصاص مبرى ببرايه
يمكن يطلع منه حكايه
أصل الكلمه عندى هوايه
ووقت الضيقه هيه دوايه

نفسى أفضى كلام م القلب
بس كلام كله فى الحب
راح يهواه كل اللى يحب
أصل انا قلبى شبعان غلب
عاشق قلبى و دايب دوب
عمره ما فات للشمس غروب

نفسى أفضى كلام و مشاعر
بس كلام و لا أجدع شاعر
أصل الحب ياناس دا مشاعر
وجوه القلب تكون بيه شاعر
زى ما قلمى ف يوم كان شاعر
وكتب عنك أحلى مشاعر

نفسى أفضى كلام وحروف
بس كلام حلو و مألوف
نفسى أشيل من قلبى الخوف
دا اللى يحب ياما يشوف
وانا قلبى ف حبك مخطوف
وف حبك يشهد له ألوف

لما قلب حبيبي يحن

لما قلب حبيبي يحن.
بنتظر تليفوني يرن.
هوه حبيبي وجوه النن .
وانا من حبه يا ناس هتجن.
قلبي وروحي وعقلي وعيني.
كل ما يبعد عنى اتجن.
ولما يعدى ادام منى
احس بروحي اتسحبت منى.
اصلى بحبه وحبه فى دمي.
وانا من حبه يا ناس هتجن.
من يوم عيني ما جت فى عيونه.
شغل العقل وجن جنونه.

شفت عيونه كأنها بحر.
وسحر الدنيا ما بين شطينه.
وشفت رموشه كأنها خضره.
وسمرة ارض فى كل جفونه.
حتى الخد كأنه بجد ورد ف لونه.

يا سمرا

يا سمرا يا اللى
لونك شغلنى
من يوم ما شفتك
قلبى بياكلنى
عينك تمللى
عايزه تاخذنى
ألمس شفايفك
وانتى فى حضنى
قلبك يقوللى
إنه فاهمنى
وإنه شايفك
تتمنى حضنى
سمار خدودك
لون أرض بلدى

ولون شفايفك
دى ورد بلدى
شايف رموشك
دى بندقيه
خزنة رصاصها
فى عنيكى ديه
عاشق عنيكى
ونفسى إنك
تكونى ليه

حروف کثیر متبعتره

حروف کثیر متبعتره
علی ورقه بیضا مسطره
أنا قلت اجمع منها
لو کلمه واحده معبره
لقلت حروف مألومه
وحروف کمان مشجره
حروف کثیر مرشوشه میه
وحروف کمان متعطره
أنا قلت أختار بإیدیه
قلبی قال لی ارجع ورا
عایزین حروف للحنیه
ولقیته جاب المبخره
أنا قلت خایف من عنیه

تكون سبب فى مجزره
بين الحروف المرميه
على ورقه بيضا مسطره
سألته ليه الأنايه
ليه البخور والمبخره
بص بعنيه ورد عليه
وقال لى إنت الكبره
كل الحروف المرميه
دى كلمه واحده مكرره
وانا قلب مليون منها
دا الحب أصله مفخره
وفى النهايه انت وانا
مافيش مايبيننا معذره

دارى جمالك

دارى جمالك

م العيون

يا أغلى من

صبيا الكون

دارى جمالك

ليشوفوكى

وبعيونهم

يحسدوكى

دارى جمالك

عن هم

يا أغلى عندى

من هم

دارى جمالك
القلوب عشقاكى
دى كل عين
بتشوفك تهواكى
دارى جمالك
م الولاد
يا قمر ومنور البلاد
دارى جمالك
الفؤاد محروم
أنا أصل قلبى
م البعاد مهموم
دارى جمالك
من هم وتعالى
قلبى من حبك
ياما سهر الليالى

الفراق

یااااااااااااااااااااااااااااا

ياہ م الفراق

الى منه

الكل داق

م الأهل كان

أو أصدقاء

كان سليم

أوعنده داع

مسكين فقير

أو أغنياء

الكل تارك أرضنا

لدار البقاء

ويا بخت من كان وسطنا
وعمل حسابه للقاء
بس احنا ندعى ربنا
رب السماء
إن اللى فارقوا عننا
أهل وأحبه
وأصدقاء
يكون مكانهم فى الجنان
ويكونوا م الدنيا براء
واطلب كمان من أهلنا
لكل من رحل الدعاء
ويكون شفيعنا فى السما
المصطفى
دا هو ه خاتم الأنبياء

على صوتك

على صوتك

سمعيني

إيه جرى بينك

وبيني

يا اللي صورتك

جوه عيني

وجوه قلبي

إنتي عيني

فاكره قلبي لما حبك

كان بيتمنى

تجيني

كان بيستنى حنانك

يبقى أحسن
إنك انتى
يا حبيبتي
اللى تجاوبيني
إنتى خوفك
دمع عيني
تشتاقيني
واما اجيلك
تبعديني
واما اشوفك
تحرميني
من حنانك
وتسيبيني
واما أبعد ليله عنك
تجرحيني

بالكلام اللى فى عينك
تدوينى
بكلمه واحده من لسانك
تجبرينى
غصب عنى إنى احبك

طمیننی

طمیننی

إن قلبك لسه عايش

قلبی من الأحزان

ما عاتش شايف

كل ما انسى

ألمح رموشك

والشفاف

ألقي نبض القلب زاد

والقاني خايف

أستنى تانى

واقف مكانى

ما انا قلبى عارف

قلبك أنانى
وان مره جانى
يكون مخالف
وما فيش معانى
للحب عنده
وكأنه حالف
ما يحب تانى
لأ والغرام والحب عنده
له معنى تانى

بتبکی یا امه

.....
باللهجة الصعيدية
.....

بتبکی یا امه

انتی مالک

ما انتی زی الورده

قاعدہ

وسط عیالک

إوعی تكونی یاامه فاکره

اللی مقصر

هوه عیالک

یاامه الدنيا دی أكبر خاينه

إرفعی یاامه

إیدیک للمالک

مالك يامه
إيه اللي جراك
عارف إنك حامده وشاكره
بس السن
مغير حالك
تعرفى يامه
أنا محتاجك
محتاج منك يامه الدعوه
إدعى المولى
برزق عيالك

قالوا

قالوا معاها محو الأميه
قلت كفايه تشوفها عنيه
قالو قصيره عنى شويه
قلت الطول دا ما له اهميه
قالوا فقيره ماليها ماليه
قلت الغنى لو صحه عفيه
قالوا تخينه بجد عليه
قلت حقيقى طلبى دى هيه
قالوا كلامها كتير وغبيه
قلت القلب ملان حنيه
قالوا جمالها دا حاجه عاديه
قلت جمال الروح دا هديه

قالوا عنيفها ضعيفه شويه
قلت اهديها ضى عينيه
قالوا ف طبعها الأنانيه
قلت دى حبها ميه الميه
قالوا العند فى طبعها غيه
قلت ومالو ماليش غير هيه
قالوا وحيدته مافيش أهليه
قلت الأهل ف حضنها هيه
قالوا تجيب لها شبكه هديه
قلت الشبكه بألف وميه
قالوا اضمن لها عيشه زهيه
قلت الصحه و لقمه هنيه
قالوا مبروك دى بجد هديه
قلت حبيبتي وغاليه عليه

إبنى سألنى

إبنى سألنى
ف ليله وقال لى
معناه إيه
بيع أعضاء
تهت شويه
وقلت له ياابنى
ألف باء
لا فى الدين
ولا م الأخلاق
بس دا ممكن
م الأعداء
دول غاويين
صورة الدم والأحشاء
كنا زمان

كلنا أخوه وأحباء
ولا يبعدنا
عن بعضينا حتى الداء
وكلنا
م الأيام دى براء
كنا فى فرحنا زى الماء
ولا يفصلنا
حتى معامل الكيمياء
كنا فى همنا
آدم مع أمنا حواء
كلنا واحد
عبدالواحد ويا اسحاق
كان فى زمالك
أو فى بولاق
فاكر ياابنى

اللى حمانا يوم الثوره
هوہ اسحاق
جينا نتوضا
هوہ سبقنا وجاب الماء
قام وضانا
وقف وحمانا من الأعداء
بعد دا كله
ينفع يعنى نقول أعداء
ربنا قال
إعملوا خير والجنه جزاء
والأجمل
لو كان فى خفاء
لكن نيجى
نلاقى الشر فى الأرجاء
هوہ شيطان

ساكن بيننا وكله بلاء
قليل الأصل
وما عندوش لوطنا ولاء
بيخطط للشر كأنه
عائش بيننا وكله إخاء
تفجير حرق وبيع أعضاء
ما يهموش
أدام الناس أو كان فى خفاء
حقنا يعنى نقول دا وباء
لكن مهما يكون من شره
مش هيحقق بيننا فراق
واللى يموتوا من أولادنا
بكل سعادته نقول شهداء
واحفظ يا ابنى عنى دعاء
رب احفظنى من الأعداء

عندى سؤال

عندى سؤال

عاوزك انتى اللى تجاوبيه

حب المال

والا القلب اللى تحبيه

خالى البال

والا قلب الحب ماليه

حبك حال

دايب قلبى وعایش بيه

له مرسال

دايما قلبى بيحلم فيه

وقلبى ان مال

مش هيكون قلبك غير ليه

يعنى محال

إنه يسيبك يوم تبيعيه

ودمه ان سال
جرحه حبك راح يداويه
ومها ان طال
هيخلص ليلنا وفي نهار ليه
ويبقى حلال
قلبي ف حزنك وتدفيه
والموال
يحكوا قصة حبنا فيه

لما قلبى يوعدك

لما قلبى يوعدك

صدقيه

لاجل هوه يصدقك

لو توعديه

حاولى

خليه يفهمك

وانتى افهميه

قربى

خليه يلمسك

وانتى المسيه

لو ساعتها

حاول انه يبعدك

ابقى ابعديه
خلى
كلامه يسعدك
وانتى اسعديه
إرحمى
قلبى فى حبك
وافهميه
إعرفى
هوہ عاوز منك
إيه
هوہ
لو ضحى عشانك
كنتى تعملى
إنتى إيه
هوہ

حالف إنه ليكى

وانك انتى

تكونى ليه

يبقى ليه

العناد

اللى ف عنيكى

كفايه

قلبك واللى فيه

قلبى

عاوز يسألك

انتى جد

حبيتيه

والحقيقه

لو جوابك

إنك إنتى

حبیبیہ
ممکن ساعتہا
یقول لك ایہ
تعرفی
والا اقول لك
ع الی فیہ
قلبی
عاشق لون عنیک
نفسہ
یوم تحصنہ
نفسہ
یلمس یوم یدیکی
المهم
تحسی بیہ

وحشتینی

وحشتینی

یا عمری.. یا ضیا عینی

وحشنی نظرتی لیکى

وحشنى لمستى ایدیكى

وحشنى نظرتك لیه

وحشنى شوق وحنیه

وحشنى کید اعدایكى

لیه الايام کدا دایما

بتبعدنا

وتیجى الغربه تجرحنا

تدوبنا

ولما قلوبنا یوم تحلم

تجمعنا
نلاقى عزولنا بيراهن
على بعادنا
لا منا قدرنا يوم نحلم
ولا بالحلم حققنا
كدا وعودنا
ليالى كثير وعدتيني
يكون الحب ما بيننا
ولا عمرك تعاتبيني
أعاندك يوم تعانديني
أروح لبعيد وأستنى
أقول هتسامحى
وتجبنى
لكن عمرى ما فكرت
ييجى اليوم وتنسين

إتحديث الدنيا

إتحديث الدنيا

عشائك

وبعد دا كله

نسيتي كلامك

وعدك ليه

نسيتي ايامك

كمان لياليه

هوا الحب

دا عندك يعنى

حاجه عاديه

والا خلاص

ما بقاش فى القلب

مطرح ليه

والإخلاص

ومعاني الحب
بقت منسيه
ليه القسوه
وانتى ف طبعك
الحنيه
إسألنى قلبك
هاتى عنكى
كمان فى عنيه
يمكن تيجى
غصب ان عنك
ترجعى ليه
فاكره الحلم
اللى حلمتوك
وانتى معايه
يومها انا جيت

وحكىتهولك
ما انتى منايا
كنت حلمت
بعد ما نمت
فى الفجرية
إنى وقعت
فى بحر غريق
بس لقيتك
ماسكه إيديه
كنت اتمنى
أقعد عمرى
وسط الميه
بس بشرط
تفضل إيدك
لمسه أيدي

ضيعتى كل حاجة

ضيعتى كل حاجة
والحب ما بيننا ضاع
نسيتى كل حاجة
ومين فينا اللى باع
كنا لو عشنا ساعه
حب من غير خداع
نعشق لحظة لقانا
ونكره كلمة وداع
الحب دا سفينه
اللى حاميها الشراع
لو يوم فقدت شراعها
هنلاقى الكل ضاع
لو نسمع يوم إشاعه

بنقول عزولنا ذاع
ما يهمه الا فراقنا
ويكون ما بينا باع
ليه بعثى اللى ما بينا
فى لحظة إندفاع
دا انا قلبى ليكى شارى
وعمره ما لحظه باع
الحب لا هوا فكره
ولا هوا إختراع
الحب ماضى وبكره
وحضن و إستماع
و انتى حبك فى دمي
والعضم والنخاع

أنا شاعر

أنا شاعر
ما تسألنيش
إيديك ع الجرح
طمنى
أنا ألقى حرمنى الفرح
وبهدلنى
أنا ألقى ومن غير شرح
تاه منى
وحبيبي اللي سبب الجرح
ظالمنى
أنا شاعر
ما تتعبنيش
وغير جرح قلبى ما فيش
طبيبي إنت

ودوايه غير حبيبى ماليش
وحب حبيبى جوايه
ومن غيره ما هقدر اعيش
أنا شاعر

وجرحى جديد
ومش عاوزك تعيد وتزيد
لأن الضغط راح يعلى
ونبض القلب هيزيد
دا انا راجى من المولى
يطول عمرى ويزيد
واروح اتعلم القسوه
وأنسى ان كان لى حبيب
أنا شاعر بإحساس
كأنى كنت ببنى ف بيت
لكنى نسيت احط أساس

إدینی أماره

إدینی أماره
وانا احکیک
ع الی ف قلبی
دا انا قلبی
بیتمنی یحیک
بس مخبی
بیقول بیحبک
ویریدک
تفضل جنبی
إدینی أماره
وانا هساعدک
ع القرب
لقلبی الی مواعدک

دا انا قلبى
ما يقدر على بعدك
ولا عمره
ف يوم ينسى معادك
إدبنى أماره
عايز اعرف
إن كنت حبيبى
والا بخرف
دا انا قلبى
عليك راح يتعرف
أول ما يشوفك
راح يعرف
إسمك وحروفك
إدبنى أماره
يمكن افيدك

أتأكد بس إني حبيبك
دا كفايه
على قلبي تعذيبك
إرحمني وبطل تهديك
إديني أماره
طمنى عليك
أنا كلى ياروحى
ملك إيديك
مع إن انا جرحى
كان بإيديك
لكن بدعى
ربى يخليك
ولا يحرمنيش
من ضى عنيك

إسمعيني

إسمعيني واسمعي

قلبي الحزين

إسمعي

دقات قلوبنا المشتاقين

إرحميني

دمعي ده

مش دمع عين

الدموع دي

جرح قلبي من سنين

فاكره لما

كنا لسه صغيرين

عمرنا

ما سألنا روحنا
اللى غلطان فينا مين
عمرنا
يوم ما افكرنا
اللى حب التانى مين
عمرنا
يوم ما اتعابتنا
مهما كنا غلطانين
كنا
بنخاف من قلوبنا
يباتوا يوم زعلانين
كنا
بنزعل لو قالولنا
إننا بهيه وياسين
أو شبهوا يوم حبنا

بأى قصة عاشقين
والدنيا دى تشهد لنا
روحنا واحده مش روحين
إسمعيني وارحمى حبنا
قلبي مشتاق إنتى فين

آخر خبر

قلبي على ولدي انظر
وقلب بلدي عليا حجر
وسط المطر
والتلج دايب
والحجر
والخطر
حوالين ولادنا
فين ضميرنا
فين ضمير كل البشر
الكل واقف ينتظر
إيه راح يكون
آخر خبر

قالوا زمان
كوليرا وطاعون
سرطان و إيدز
وجنون بقر
فلوانزا طير
والخنزير
وايه يكون آخر خبر
فين الأمان
فى كل يوم
نسمع كلام غير الكلام
سألنا كل المسئولين
هنروح لمين .. والحل فين
قالوا الحكايه
هيه قصه ملايين
شعب عانى من الجراح

وبالجراح موعودين
نفسى نسأل نفسنا
مين السبب فى جراحنا مين
يمكن نسينا ربنا
ولفروضه مهملين
الوضوء هوہ النضافه
والصلاه هيه اليقين
فين الدعاء يا مؤمنين
العلاج ف إيدنا إحنا
بس عنه غفلانين
إسمعوا منى النصيحه
فالله خير حافظا
وهو أرحم الراحمين

نفسى أكتب

نفسى أكتب من زمان
نفسى أمسك القلم
واجرى بيه زى الحصان
وسط أوراق الزمن
بين السطور
واحكى قصة الحنان
الى عمره بدون تمن
قصة الأم الحنون
من ميلادى للهرم
هيه أُمى
إلى عاشت شايله همى
واللى كانت من صبايا

تسهر الأيام معايا

بالحنان

بالعطف دايمًا والأمان

وأما أكون تعبان تداوى

جرحى . والعلاج توالى

والسهر طول الليالى

وكل يوم تدعى عشائى

ربنا وتقول يا على

إحمى ابنى من زمانى

أمى

أمى يا كلمه بتترسم
فوق الجباه
أمى يا بسمه بتنقسم
فوق الشفاه
أمى يا لمسّه ع الخدود
تخلق حياه
أمى يا همسه للشريد
يعرف خطاه
أمى يا أغلى من وجودى
فى الحياه
أمى يا منبع حب صافى
وقلب دافى
أمى يا غاليه مهما قلت
بقلب صافى

مش هكون لجميلك انتى
يا أمى وافى
أمى يا غاليه وحياة عنيكى
مش هقول
عواف عليكى
لكن بقولها بقلب صافى
إن كان لى غلطه
تقصر معاكى
سامحى ضناكى
دا الدم عمره ما يبقى ميه
وانا برضه إبنك
وانتى الحنيه

يا بنت الحلال

يا بنت الحلال

انا قلبى مال

ومهما يقولوا

عنى وعنك

بعدى محال

إنتى الحقيقه

وانتى الخيال

واللى عنىها

تحطم جبال

ولو يبعدوكى

بعيد عن عنىه

هدافع بروحى

وكل اللى ليه

حتى لو دمي سال
نفسى تكونى
شريكة حياتى وأم العيال
أحطك فى عينى
واحافظ عليكى
واتاقلك بمال
دا انتى اللى عينى
بتعشق عنيكى
وتغوى الجمال
وعمرك يا عينى
لمسة ايديكى تدوب رمال
ولو شفقتى عينى
فى نظرتها ليكى
تحسى الأمان

من قلب يهواكى

رساله من قلبى

لقلب ساكن جواكى

قلبى اللى بيخبى

عن الدنيا هواكى

لقيته بيوشوشنى

ومدينى جواب ليكى

كاتب عليه حبيبتى

من قلب يهواكى

لقلب ساكن جواكى

ويسلم ليكى فى ايديكى

وعنوانك على المظروف

مكتوب عليه بخطه حروف

واسمك بالحروف موصوف

حروف سته ما همش ألوف

حبیبتی

رساله من حبیب ملهوف

باعتها وکله رعب وخوف

ليسمعنا عزول ويشوف

کلامنا أصله کان مکشوف

يا ريتك تعملی معروف

ما يبقاش بيننا أى كسوف

وقلبك للرساله يشوف

ما بحبش حد تانى

ما بحبش حد تانى
واحلف لك ميت يمين
حبك ساكن فى قلبى
من واحنا صغيرين
قلبى ما يحب تانى
حتى لو هيه مين

ما بحبش حد تانى
واحلف لك بالرحمن
ما احلفش بحد تانى
يا حبيبتي عشان حرام
دا انتى حبك فى قلبى

محسوب وبالجرام

ما بحبش حد تانى

واحلف ومش كداب

دا احنا من واحنا لسه

بالشيشب والقبقاب

كنا بنحب بعض

حب من غير حساب

ما بحبش حد تانى

واحلف ماليش أحباب

غيرك يا حب غالى

وفيك القلب داب

قلبي لو حب غيرك

هيضيع فيها رقاب

ما بحبش حد تانى
واحلف لك مش هخون
وهعيش معاك معانى
قلب يحبك بجنون
ومهما شفت غيرك
قلبى لحبك هيصون

حكايتی معاك

لو حكيت
حكايتی معاك
ممکن احكى
مليون حكايه
من يوم ما قلبى
حب و هواك
لحد ما وصلنا
النهايه
حبنا مليون
آهات
تنقسم مليون
روايه

لو حكيناها
حكايات
تنحكي ولا ألف
ليله
وكفاهيه قلبى وفرحته
يوم ما التقاك
حس يومها
إن دى هيه البدايه
قبلها عاش
دوامات
كان يحس
فى كل ليله
إنه مات
واما كان
ليلة لقاءك

حس أن الماضي كله

ذكريات

أول ليله

فى يوم لقاءك

كان ميلاده

لما حس

إنه هواك

وانك مراده

حس يومها

ان هواك

ملك فؤاده

وابتدى يعد

الساعات

بالتوانى والدقائق

كل دقاته

فى هواك
كانت حرايق
تنطفى
بنظرة عنيك
وفى دقائق
هوا دا القلب
اللى حبك
وعاش حياته
فى ضل حبك

مستحيل

مستحيل يكون ما بيننا

فى يوم خصام

مستحيل كل اللى بيننا

يكون كلام

مستحيل جرح قلوبنا

يكون سهام

يمكن يكون جرحنا

حب وهيام

أو حتى سوء فهمنا

لبعض الكلام

ويكون علاجنا لجرحنا

حبة ملام

دا احنا اللى ميز حبنا

الإهتمام
الحب نعمة ربنا
ما فيش كلام
هوہ اللى نظم حبنا
آخر نظام
خلانا نعشق بعضنا
على الدوام
ونقول كمان لبعضنا
أحلى كلام
ويكون ما بيننا ف عشنا
حب وغرام
دا الحب رحمة ربنا
مش انتقام
وان حس قلبى إننا
زى الحمام

هنعيش فى حب وف هنا
وأمن و سلام

قلب داب

قبل ما اقول الكلام
أبتدى بكلمة سلام
لاجل ما اقول للحبايب
اللى حاضر واللى غايب
قصة القلب اللى داب
وف حياته داق عذاب
ينحنى منه الشباب
أصل قلبى ياما داب
إسمعوا
إسمعوا منى بحساب
كنت يوم ما انساهوش
كنت ماشى ما تخافوش

الحكاية مش طويله ما تناموش
كنت ماشى ف يوم وناسى
إنى يمكن يوم أحب
كنت فاكّر إنى قاسى
وانى جسم ما لو هش قلب
والحكاية يا صاحبى تبدأ
إنى شفت وقلبى حب
شفت إيه بس جد
شفت رمش وشفت خد
رمش كحل وخد ورد
وف عنيتها شفت حد
بينادينى يقول يا واد
خدت نفسى ورحت جرى
قلت ثانيه لحظه جى
كان ما بينها وبينى خطوه

رجعت قلت يا واد يا عطوه
إوعى تنسى وتلاغيها
تنحرم يوم من عنيتها
وبصراحه مشيت معاها
لكن الأيام تفوت
والنيران جوايه موت
واللى جاى زى اللى فات

إقسمي

إقسمي

الحب اللى بيننا

لاجل

ما نفرح عزولنا

بس

وانتى بتقسميه

خليكى فاكراه

ان حب

قلبي ليكى

مش

حب فطره

وان

حبك جنب حبي

ييجي قطره

بس
لو عايزه ما بيننا
يبقى ذكرى
إرحلى
من غير كلام
إوعى
تستنى لبكره
أصل قلبى
ببيزيد غرام
هوه
واخد عنى فكره
إن
حبى مش كلام
بس
قلوبى لما يكره

عمره
ما يقول لك سلام
قلبي
مش بحسبها زيك
عمره
ما يحب الهوان
وان
فى يوم قال لك بحبك
يبقى
حس بالحنان
وان ما حس
فى يوم بحضنك
راح
يروح منه الأمان
دا الأمان

والحنان فى ضل حبك

هما

مرسال الغرام

حروف إسمك

حروف إسمك

دی عنوانی

ووصفك

هوه بستانى

شفایفك

عشقى أحلامى

صوتك

لحن أنغامى

وحبك

كل أمالى

عيونك

بحر له شطین

رموشك

هيه شطآنى
خدودك
ورد ع الجنين
ونفسى
اكون له بستانى
بحبك
مهما كان منك
بحب
ولو تكون نسيانى
بحب
عنيكى وخدودك
بحب
الحب ووعودك
بحب
واحب من تانى

أحب
ألاقيك معاهداني
على الحلوه
على المره
وأغلى وعود مواعداني
حروف إسمك
دى عنوانى

الفرق ما بينها وبينك

الفرق ما بينها وبينك
إنها خافه عليك
وتصونك
إن حنينها يزيد أضعاف
أد حنينك
وبتتمنى ان اللى يحبك
يدفع عمره
لاجل يزينك
وبتتمنى تشيل لك إبنك
زى ما كانت
يوم بتشيلك
وقت ما كانت تسهر جنبك

للفجريه وبتدعيلك
والا فى عز شقاك وتعبك
اللى ف إيدها
بتعملهولك
تطبخ أكلك تغسل أرفك
حتى العيل
بتشيلهولك
فيه إيه تانى ممكن هيه
تقدمهولك
وبعد دا كله جايه تقولى
إيه الفرق ما بينها وبينك
طب فى سؤال هسألهمولك
بينى وبينك
لو جت يوم تعبت هيه
هتسيبى بيتك وتقولى هيه

والا تروحي تشوفي عيالك
وتقولي هبقى أعدى شويه
طبعاً واضح من أسلوبك
إنك راحه وما انتش جايه
يا اخواتي هيه الأم شويه
بتقولي أم
وعندي عيال م المدرسه جايه
وعندك راجل جاي م الشغل
بعد شويه
هوه دا يمنع إنى أعدى
على أمى شويه
دا ربنا خلى الأم هديه
وخلى الجنه تحت اقدامها
واللى تقول لها كلمه طريه
تلاقى الجنه كمان أدامها

وتطرح بركه وخير ف عيالها
يبقى الفرق ما بينها وبينك
إن رضاها دا شرع ودينك
أما رضاك دا حاجه عاديه
بينى وبينك
أما ما بينك ويا عيالك
إنتى الأم
وتبقى الجنه تحت اقدامك
عايز اقول لك بس بجد
إن الفرق ما بينها وبينك
زى ما بين السما والأرض

الشاعر في سطور

الاسم/ خالد احمد عبد السميع حسن .

(ابن الريف)

المؤهل/ ليسانس حقوق _ بكالوريوس زراعة

(جامعة المنصورة)

الرقم القومي/ 26704091100334

العنوان/ ميت الخولي عبد الله .. مدينة الزرقا _

محافظة دمياط

محمول/ 01095539998 _ 01220021982

ديوان .. نويت ارحل

محتوى الكتاب

م	القصيدة	صفحة
1	بطاقة الكتاب	2
2	الإهداء	3
3	مقدمة	4
4	رسالة	5
5	لو كان	9
6	نفسى	10
7	نويت أهواكى	12
8	أبوس إيديك	14
9	كلام ومشاعر	16
10	لما قلب حبيبى يحن	18
11	يا سمرا	20
12	حروف كثير متبعثره	22

24	دارى جمالك	13
26	الفراق	14
28	على صوتك	15
31	طميننى	16
33	بتبكى يامه	17
35	قالوا	18
37	إبنى سألنى	19
41	عندى سؤال	20
43	لما قلبى يودعك	21
47	وحشتينى	22
49	اتحديث الدنيا	23
52	ضيعتى كل حاجه	24
54	أنا شاعر	25
56	إدينى أماره	26
59	إسمعينى	27

62	آخر خبر	28
65	نفسى اكتب	29
67	أمى	30
69	يابنت الحلال	31
71	من قلبى يهواكى	32
73	ماحبش حد تانى	33
76	حكايتى معاك	34
80	مستحيل	35
83	قلب داب	36
86	إقسمى	37
93	الفرق ما بينها وبينك	38
97	الشاعر فى سطور	39
98	محتوى الكتاب	40